

Diosman Riq Ñan



©2010 W. M. Press, Inc./Rose Stair Goodman. Cover art, Edwin B. Wallace. Meryl Esenwein art above and on pages 10, 12, 14, 16, 27, 29, 39, 41, 42, 44, 46, 47, en 48.

**TAYTA DIOSMI RURARQA KAY PACHATA
HINASPA LLIW KAYPI KAWSAQKUNATAPAS** 1

“Tukuy imapa qallariyninpi cielokunata hinaspa kay pachata Dios unanchaptinmi.” –Genesis 1:1

“Paynintakaman Dios unancharqa cielopi tukuy ima kaq-kunatapas, kay pachapi kaqkunatapas.” –Colosenses 1:16a

“Cielokunatapas unanchaq Tayta Diosmi bendecisunkichik. Kay pachatapas unanchaq Tayta Diosmi bendecisunkichik. Tayta Diosspam hanaq pachaqa. Kay pachatañataqmi runakunaman qorqa.” –Salmos 115:15, 16

Kay pachata Tayta Dios runakunaman qoptinqa, chuyam karqa. Qawasunya kay librochapi imam pasakusqanmanta.



“Chaymantam Dios nirqa: –¡ Runata rurasun ñoqanchik-man rikchakuqta, ñoqanchik kaqlata chaynapi challwakunapi, alton paqaqkunapi, uywa animalkunapi, purun animalkunapi hinaspa kay pachapi qasqonpa puriq animalkunapi munaychakunanpaq! –nispa.”

–Genesis 1:26

RUNAQA RURASQA KARQA KAWSANANPAQMI 3

“Tayta Diosmi runata rurarqa ñutu allpamanta, senqaman kawsachiq samayta pukuykuptinmi *kawsaq runa-ña karurqa.”

–Genesis 2:7

**“Chaymantam Tayta Dios nirqa: –Manam allinchu qaripa sapallan kayninqa, yanapaqnintayá payman rikchakuqta rurasaq –nispa. Chaymi runaman Tayta Dios qoykurqa sinchi puñuya. Puñunankamam huknin costillanta horqoruspa aychanta kaqla wichqaykurqa. Tayta Diosmi qaripa costillan horqosqanmanta warmita rurara-
rqa hinaspam qariman pusamurqa.”** –Genesis 2:18, 21-22

*Kawsaq almayoq kasqanchikraykum, espiritunchiqa mana hakappas wañunqachu.

ADANWAN EVAQA TAYTA DIOSTAM MANA KASUKURQAKUCHU



Supaypa rimasqantaqa amam uyarisunchikchu.

**“Tayta Diosmi runata churarqa Eden Huertaman chay- 5
pi llamkananpaq hinaspa waqaychananpaq. Runatam
Tayta Dios kamachirqa: Huertapi llapallan sachapa
ruruntaqa mikunkim. Allin kaqta hinaspa mana allin kaq-
ta yachanapaq sachapa ruruntam ichaqa ama mikun-
kchu, chayta mikuruspaykiqa cheqaptapunim wañurun-
ki –nispa.”**

—Genesis 2:15-17

SUPAYQA LLULLAKUSPANMI RUNAPA SONQONTA ISKAYRA-
YACHIRQA TAYTA DIOSPA KAMACHIKUSQANMANTA DUDANANPAQ.

**“Chaymi warmita culebra –Manapunim wañunkichi-
kchu . . . –nispa. Chaymi warmi qawarqa mikunapaq allin
sacha kasqanta, qawarqataqmi sumaqlaña kasqantapas
chaynataq yachay haypanapaq munayllapaqña kasqan-
tapas chaymi rurunta pallaruspa mikururqa. Qosanman-
pas qoykuptinmi paypas mikururqa .” –nispa.**

—Genesis 3:4, 6

ADANWAN EVAQA MANAÑAM EDEN HUERTAPIQA QEPAYTA ATIRQAKUÑACHU



“Chaymi runata Tayta Dios Eden Huertamanta horqomurqa chakrapi llamkananpaq allpamanta rurasqa kasqanrayku.... intipa qespimunan lawpim churarqa querubin sutiyooq angelkunata.... chaynapi kawsay qokuq sachaman riq ñanta waqaychanankupaq.”

—Genesis 3:23, 24b

ADANPAWAN EVAPA HUCHALLIKUSQANKU PUN- 7 CHAWQA ANCHAPAS LLAKIKUYPAQ PUNCHAWMI KARQA KAY PACHAPI RUNAKUNAPAQ



“Huk runallawan kay pachapi huchallikuy qallariruptin-mi chayrayku wañuypas rikurirurqa chaymi lliw runakuna huchallikuspanchik wañunchik.”

– Romanos 5:12

Chaynaqa yuyaymanasunyá:

Kay pachapi runakunaqa lliwmi nacenchik huchayoqlla, chaymi wañunchik, wañuyqa huchapa chanin kasqanrayku. (huktawan qawaykuy Romanos 5:12, nisqanta.)

8 TAYTA DIOSQA, MUNASQANMAN HINAM SAPA- LLAN CHURINTA KACHAMURQA HUCHAMANTA HORQOWANANCHIKPAQ



Diospa Churinqa kay pachaman hamunanpaqqa runamanmi tikrakurqa hinaspanmi wawa hina nacerqa.

“Diospi tukuy ima tarikuqmi kachkan runayaruq Cristopi.”

“Qari wawatam wachakunqa, paytam sutichanki Jesuswan, paymi runankunata salvanqa huchankumanta.”

—Mateo 1:21

—Colosenses 2:9

TAYTANCHIK JESUCRISTOQA CHEQAP DIOSMI, RUNA AYRIPIM HAMURQA

9

“Tukuy imapa qallariyninpiqa karqañam Simiqa, chay Simiqa karqa Dioswanmi, chay Simiqa Diosmi.... Chay Simim runayaruspan yacharqa ñoqanchikwan Diospa cheqap kuyakuyninta qawachiwaspanchik.” –Juan 1:1, 14a

“Tukuy kaykunam pasakurqa Diosmanta willakuqpa kayna nisqan cumplikunanpaq: Doncellam wiksayakuruspan wachakunqa qari wawata. ‘Emanuel’ nispam sutichanqaku chay wawata. Kayqa: ‘Diosmi ñoqanchikwan’ ninanmi.”

–Mateo 1:22, 23

“Wawam nacerapuwanchik. Wawatam Dios qoykuwan-chik. Pay gobiernaptinmi sutichanqaku: Admirakuypaq Kaqwan, Consejakuqwan, Tukuy Kallpayoq Dioswan, Wiña-wiñaypaq Taytawan, hinaspa Hawkayay Qokuq Kamachikuqwan.”

–Isaias 9:6

10 JESUCRISTOM ÑOQANCHIKPA RANTIN-CHIKPI CHUYA SACRIFICIO KARQA

“Cristoqa manam huchallikurqachu.”

–2 Corintios 5:21a



“Payqa manam ima huchatapas rurarqachu.”

–1 Pedro 2:22a

Runapa sacrificio rurasqanqa maynaña sumaq kaspapas manam huchamanta chuyanchayta atinmanchu.

“Torokunapa chaynataq chivatokunapa yawarninqa huchakuna horqoytaqa manam atinmanchu.”

–Hebreos 10:4

“Paymi [Cristom] Diosmanta Hamuq Carneroqa, wañuspanmi runakunapa huchanta pampachanqa.”

–Juan 1:29b

JESUCRISTOM QORQA VIDANTA SALVAWANANCHIKPAQ

11

Señorninchik Jesucristom cruzpi chakatasqa karqa, cheqniqnin runakunam chakatachirqa. Ichqa paypa wañuyninga Dios Taytapa munasqaman hinam karqa, payqa wañurqa ñoqanchikraykum qampas ñoqapas huchanchikmanta pampachasqa kaspa salvo kananchikpaq.

Jesusmi niqa: “**Manam pipas vidaytaqa qechuwanmanchu, kikiymi qosaq vidaytaqa. Makillaypim kachkan qonaypaqpas chaynataq kawsarimunaypaqpas.**”

–Juan 10:18a

JESUCRISTOPA YAWARNINWAN RANTISQAM KANCHIK

“Yachasqaykichikpi hinapas kay salvacionpa preciontaqa manam pipas pagarqa tukuruqla qoriwanchu nitaq qollqewanchu. Chaytaqa Cristom pagarqa precioyoq yawarninwan, paymá mana faltayoq kachkaspanpas wañurqa sano carnero hina.”

–1 Pedro 1:18b, 19

Manam ima sapaq sacrificiopas huchataqa qechunmanchu.

12 “Cristom yawarninta chaqchuspa wañurqa mana huchayoq-paqña Dios chaskiwananchikpaq. Chaymi Cristo salvawasun castigasqa kananchikmanta.”

–Romanos 5:9

“Jesus, munaychakusqaykiman chayamuspaykiqa yuyarillawankimá, nispa.”

–Lucas 23:42b

Jesuspi iñisqan-raykum kay salvaqa, salvasqa kanqa.



“Cheqaptam niki, kunanpunim ñoqawan kanki paraisopi paraisopi.”

–Lucas 23:43b



Kay huknin suwam ichaqa mana salvasqa kanqa Jesuspi mana iñisqan rayku.

“Ichaqa Diosmi kuyawasqanchikta qawachiwarqanchik huchasaparaq kachkaptinchikpas Cristo wañupuwashqanchikwan.”

–Romanos 5:8b

**DIOSPA CHURIN JESUCRISTOPI IÑIQKUNAQA 13
WIÑAY KAWSAYNIYOQÑAM KANKU**

**“–Diosqa ancha-anchatam kuyarqa runakunata,
chaymi sapallan Churinta qomurqa pipas
paypi iñiqqa manaña puchukaspa
wiñaypaqña kawsananpaq.”**

–Juan 3:16

**“Tutayaypi kamachikuqta kasuchkaptinchikmi pay-
qa libraykuwarqanchik hinasspam kuyasqan Churin-
pa munaychakusqanmanña churaykuwanchik. Pay-
pa wañusqallanwanmi libraykuwarqanchik huchan-
chikkunamanta pampachaykuspa.”**

–Colosenses 1:13, 14

¡KAWSARIRAMUNMI!



**“Warmikunatam ichaqa
chay angel nirqa: –Ama
manchakuychikchu.
Qamkunaqariki
maskachkankichik
chakatarusqanku Jesus-
tam. Manam kaypi-
ñachu, payqariki nisqan-
man hinam kawsarirun-
ña. Qawamuychik
churasqanku sitiota”**
–nispa. –Mateo 28:5, 6

JESUSMI KAWSARIMURQA WAÑUSQA KASQANMANTA

15

“[Ñogam kani] kawsagpas. Wañusqam karqani, kunanmi ichaqa wiña-wiñaypaq kawsachkani. Kichanapaqpas wichqanapaqpas munaychakunim wañuypi chaynataq wañusqakunapa kasqanpipas.”

—Apocalipsis 1:18b

“Qamkunaqa kawsasqayraykum kawsankichik.” —Juan 14:19b

Chaynaqa wañuytaqa manañam manchakunanchikchu, Taytanchik Jesucristom wañuytaqa vencenña wañuypa llavenpas paypa makinpim.

“Manchakuypi tarikuspayqa qamllapim confiakullaniqa.”

—Salmos 56:3

JESUCRITOLLAM SALVAYTAQA ATISUNKIMAN, PAYQA QAMRAYKUM TAYTANTA MAÑAKUCHKAN

“Jesuspa sacerdote kayninmi ichaqa mana cambiakunchu wiñaypaq kawsaq kasqanrayku. Chayraykum paynintakama Diosman asuykuqkunatapas wiñaypaq salvaykunman. Jesusqariki kawsachkan paykunapaq siemprepuni mañakunanpaqmi.”

—Hebreos 7:24, 25

16 QAMPAS ÑOQAPAS WIÑAY KAWSAYTAQA HAYPACHWANMI



Kay wawaqa allintam, wiñay kawsayman pusakuq ñanta ak-llakuchkan.

¿Ima ñannintataq purichkanki wiñay kawsay haypanaykipaq?

Jesucristom Diospa qayllanpi wiñay kawsayman pusakuq ñanqa.

Supaymi ichaqa wiñay wañuyman apakuq ñan.

¿QAMQA MAYQANTATAQ AKLLAKUNKI?

17

“...Kunanpuni akllakuychik pim adoranaykichikta....”

–Josuey 24:15

“Chaynaqa qamkunapas hinaspa miraynikichikkunapas kawsakunaykichikpaqyá akllakuychik.”

–Deuteronomio 30:19b

JESUCRISTOM WIÑAY KAWSAYMAN RIQ ÑAN

“Jesusmanta hukqa manam pipas salvanmanchu, kay pachapiqa manataqmi pipas kanchu runakunata salvaqqa, aswanqa Jesusllam.”

–Hechos 4:12

“Ñoqallam kani Tayta Diosqa. Hukqa manam kanchu salvaq Diosqa.”

–Isaias 43:11

18 ¿IMANASQATAQ WIÑAY KAWSAYTA HAYPANA- PAQQA JESUCRISTOTA AKLLANANCHIK?

1. *Cristom hamurqa chaypaq.*

“Ñoqam ichaqa hamurqani kawsanaykichikpaq hinas-
pa kawsaywan huntasqa kanayki-
chikpaq.”

–Juan 10:10b



2. *Cristom kuyawaspanchik ñoqanchikrayku wañurqa.*

“Paymi kuyawaspan ñoqapaq wañu-
puwarqa.”

– Galatas 2:20b

Jesucristoqa runaman tikrakuspanmi ño-
qanchik hina aychayoq tulluyoq karqa.

“Jesuspas ñoqanchik hina cuerpoyoqmi
karqa, chaynaqa karqa wañuyta reqsis-

pan wañuypi munaychakuq diablotá chinkachinan- 19
paqmi. Chayraykum Jesusqa wañuy manchakuq-
kunatapas libran, paykunaqa tukuy tiempom wañuypa
sirvienten hina kawsallarqaku.” –Hebreos 2:14b, 15

3. Cristopa yawarninmi huchanchikmanta hampikuqqa.

“Chay yawarwan huchaykichikta pampachasqayraykum
vidaykichikta librasaq.” –Levitico 17:11b

“Diospa Churin Jesucristopa yawarninñataqmi llapa-
llan huchanchikmanta mayllawanchik.” –1 Juan 1:7b

“Paypa wañusqallanwanmi libraykuwarqanchik huchan-
chikkunamanta pampachaykuspa.” –Colosenses 1:14



4. Cristom wañusqanmanta kaw-sarimurqa.

“Yachanchikmi kaytapas: Cristo kawsarimuspanqa huktawanqa manañam wañunmanñachu. Manapunim paypiqa wañuyqa munaychakunmanñachu.” –Romanos 6:9

“Cristoqa wañurqa llapallanchikpaqmi chaynapi kawsaqkunapas manaña kikillanchikpaq kawsaspa Cristopaqña kawsananchikpaq, payqa wañukuspanmi kawsariramurqa.” –2 Corintios 5:15

Cristom nin: “–Qamkunaqa kawsasqayraykum kawsankichik” –nispa. –Juan 14:19b

**5. Ñoqanchikpas wiñay kawsayman kawsarichisqa 21
kananchikpaqqa Jesucristopa Chuya Espirituntam
chaskinanchik.**

**“Chay pakasqa kaqqa qamkunapi Cristopa kawsas-
qanmi, chayraykum suyachkankichik wiñayapaq kaw-
sakuyta.”**

–Colosenses 1:27b

**“Diosmi Jesucristota kawsarichimurqa. Paypa Espi-
ritun qamkunapi kawsaptinqa wañuq cuerpoykichik-
tam Dios kawsarichinqa hina chay Espiritunwan.”**

–Romanos 8:11

**¿CHEQAPTACHU CHUYA ESPIRITU SONQOYKIPÍ
KAWSAKUCHKAN?**

**“Cristopa kachamusqan Chuya Espiritu huk runapi
mana kaptinqa, payqa manam Cristopachu.”**

–Romanos 8:9b

**“Kaynata nispan-
mi Jesus wawaku-
nata marqariyur-
qa, paykunapa ha-
wanman makinta
churaykuspanmi
paykunata bende-
cirqa.”**

—Marcos 10:16



“Cristo kuyawasqantaqa yachanim, Chuya Qellqam chaynata nin.”

“Jesusñataqmi paykunata qayaykuspan nirqa:

23

—Ama harkaychikchu wawakuna ñoqaman hamunnanta. Kay wawakuna hina kaqkunapaqmi Diospa munaychakusqanqa” —nispa.

—Lucas 18:16

“Hanaq pachapi kaq Taytaykichikpas manam munanchu hukllanpas kay uchuychakuna chinkananta.”

—Mateo 18:14

Manam imananchu pim kasqayki nitaq maypim yachasqayki, Jesusqa kuyasuspaykim qamrayku wañurqa. Chay kuyakuy-nintam qanman reqsichiyta munasunki, qampas kuyakuyniki-ta qawachikuy payta kasukuspayki.

“Kuyawaspaykichikqa kasukuychikyá kamachikuyni-kunata.”

—Juan 14:15

“Rurasqankunawanmi mozoqa imaynam kasqanta reqsichikun.”

—Proverbios 20:11a

24 KAYKUNATA RURASPA DIOSMAN ASUYKUYTA

1. *Tayta Diosta mana kasukuspa huchallikusqaykita, reqsikuy.*

“Llapallanchik huchallikuruspam Diospa suma-sumaq qayllanmanta karunchakurunchik.” –Romanos 3:23

2. *Diosman hamuy Jesucristontakama.*

“Hukllam Diosqa, hukllataqmi Diosninchikwan runakunata allinyanachiqpas, chay allinyanachiqqa Jesucristom.”

–1 Timoteo 2:5a

“Chayraykum paynintakama Diosman asuykuqkunatapas wiñaypaq salvaykunman.” –Hebreos 7:25a

Jesus nirga: “–Ñoqaman hamuqtaqa manam hawamanqa wischusaqchu” –nirga. –Juan 6:37b

3. Huchaykikunamanta wanakuy.

(Wanakuyqa, hucha rurasqaykimanta pisakuymi.)

“Chaynaqa huchaykichikmanta wanakuspayá Diosman kutirikuy-chik.”


—Hechos 3:19a

“Señorqa ... pacienciawanmi suya-suchkankichik mayqannikichikpas mana chinkarunaykichikta munaspan”

—2 Pedro 3:9a

4. Huchaykikunata willakuy Taytanchik Jesucristoman.

(Hucha willakuyqa “arí, huchallikunim” niymi.)



26 Kay qatiqnin rayakunapi qellqay 1 Juan 1:9a textota.

5. Saqeyña huchaykikunata.


(qonqayña hucha rurayta.)

**“Huchankuna pakaq runaqa manam allinchu kanqa.
Huchanta willakuspa wanakuq runam ichaqa Diospa
kuyapayasqan kanqa.”**

—Proverbios 28:13

**“Qamyá asurikuy mana allin ruraymanta. Qamyá tukuy
tiempo ruray allin kaqkunata.”**

—Salmos 37:27a



“Favorninraykullam iñiptiki-chik Diosqa salvaykusurqan-kichik, . . . Diospa qosusqay-kichikmi. Manataqmi imapas rurasqaykichikraykuchu chay-napi pipas mana alabakunampaq.”

—Efesios 2:8, 9

6. *Iñiy Jesucristopi.*

27

“Jesusqa Señor kasqanta willakuspaykiqa chaynataq payta Dios kawsarichi-musqanta tukuy sonqoykiwan creespaykiqa [iñispaykiqa] salvasqam kanki.”

—Romanos 10:9

“—Señor Jesucristoman iñiy chaymi salvasqa kanki waskipi kaqkunapiwan.”

—Hechos 16:31b

28 7. Chaskikuy Jesucristota sonqoykipi hinaspa tukuy kawsakuynikipi.



Sonqoykipa punkunta kichaykuy,
Jesus yaykuykunanpaq, paymi nin:
**“Qawarimuway, ñoqaqa
punkupi sayaspaymi takach-
kani. Pipas qayakuuniya uyaris-
pan punkuta kichaykuwaptinqa
yaykuspaymi paywan mikusaq,
chaynataqmi paypas ño-qawan
mikunqa.”** –Apocalipsis 3:20

**“Payta chaskispa iñiqkunamanmi
ichaqa qorqa derechonta Dios-
pa churinña kanankupaq.”**

–Juan 1:12

Orakuyta mana yachaspaykiqa, qatiqnin oraciontayá qaway yanapasunaykipaq:

Kuyakuq Señor Jesucristo:

Anchatam agradecekuyki huchaykuna pampachawanaykipaq cruzpi wañusqaykimanta. Tukuy mana allin rurasqaykunamantam ñakakuchkani. Mañakullaykim sonqoymanya yaykuykuy hinaspaykiya kawsakuy wiña wiñaypaq. Tukuy sonqoywanmi iñini qamqa sonqoytaqa limpiaykunkim, chaymi chaskikuyki salvakuqniyta hina.



Ancha sumaq sutikipi. Amen.

30 JESUCRISTO SONQOYKIPÍ KAWSAKUPTINQA WIÑAY KAWSAYNIYOQÑAM KANKI

“Diosmi qowarqanchik wiñay kawsayta, chayqa tarikun Churin Jesucristollapim. Pipapas sonqonpi Diospa Churin Jesucristo kawsaptinqa wiñaypaqñam kawsakuchkan.”

– 1 Juan 5:11b, 12a

“... pipas nisqaykunata uyariqqa hinaspa kachamuwaqniypi iñiqqa wiñay kawsayniyoqñam kachkan....” –Juan 5:24

Wañuyña chayamusuptikipas, qamqa Diospa qayllanpim kanki (2 Corintios 5:8). **“Chayraykum suyachkankichik wiñaypaq kawsakuya”** (Colosenses 1:27b).

Sichu tukuy sonqoykiwan iñinki huchaykikuna pampachasqaña kasqanta hinaspa kunanpuni chaskikunki Jesucristota salvakuqniki-ta hina, chayna kaptinqa qellqaykuy sutikitawan imam kunan punchaw kasqanta qatiqnin rayapi:



Sapa punchaw leey Diospa Simin Chuya Qellqata, hinaspa umaman churaspa sonqoykipi hatalliy, anchatam yanapasunki. Chuya qellqam nin:

“Bibliapi llapallan qellqasqa kaqkunaqa Diospa Espiritunpa qosqanmi, allinmi yachachiwananchikpaq, faltanchikkuna qa-wachiwananchikpaq, pantaypi puriptinchikpas allin ñanman kutirichiwananchikpaq hinaspa imaynam allin kawsakuy ya-chachiwananchikpaq.”

–2 Timoteus 3:16

ORAKUSPAYKI TUKUY TIEMPO RIMAY TAYTANCHIK JESUCRISTOWAN



Paymania graciasta qoy kawsakuynikipi tukuy allinkuna chaskisqaykimanta. Yupaychay qam rayku tukuy rurasqanmanta chayantaq almayki salvasqanmanta. Mañakuy imapas pisiq-nikita, mañakunaqa Jesucristopa sutinpim.

“Paypa munasqanman hina mañakuptinchikqa uyariwanchikmi.” –1 Juan 5:14b

“Sutiypi mañakuptikichikqa Taytaqa qosunkichikmi.” –Juan 16:23b

Diosta mañakuychik huknikichik huknikichik-paq.
(Santiago 5:16)

“Mañapuychiktaq ñakarichisuqnikichikkunapaqpas.” –Mateo 5:44b

QATIQNINKUNAMAN JESUSPA YACHACHISQAN ORACION

33

(Jesusmi qatiqninkunaman yachachirqa orakuyta.)

Qamkunaqa kaynatayá mañakuychik:

Hanaq pachapi Taytayku, sutiki yupaychasqa kachun, munaychakusqayki hamuchun. Munasqaykiyá rurasqa kachun kay pachapipas hanaq pachapi hina. Sapa punchaw mikunaykutayá kunan qowayku. Ñoqaykupa hu-chaykutayá pampachawayku, ñoqaykupas mana allin rurawaqniykuta pampachasqaykuman hina. Amayá kachaykuwaykuchu pruebamanqa, aswanqa libraway-kuyá diablomanta. [Qamqa wiñaypaqmi munaychakunki, hatun atiynikimantam wiña-wiñaypaq alabasqa kan-ki. Amen.]

–Mateo 6:9-13

Kay oraciontaqa yachakunaykim umallamanta.

34 DIOSPA CHUNKA KAMACHIKUYNINMI YACHA- CHIWANCHIK IMAYNAM KAWSANANCHIKTA

(Exodo 20)

Qallariq tawa kamachikuykunam yachachiwanchik Dios-ninchik kuyananchikmanta

- 1.“–Ñoqallam Diosqa kani, amam huk dioskunaqa kapusunkichu.”
- 2.“–Amam taytacha-mamachataqa rurankichu imaman rikchakuqtapas . . . Amam qonqorakunkichu chaykunapa ñaw-paqninpicha . . .”
- 3.“–Ñoqapa sutiytaqa amam yanqaqa rimankichu.”
- 4.“–Amam qonqankichu samana punchawqa ñoqapaq sapaqchasqa kasqanta.”

5. “–Tayta-mamaykitam respetanki....”
6. “–Amam pitapas wañuchinkichu.”
7. “–Amam hukwanqa pierdekunkichu.”
8. “–Amam suwakunkichu.”
9. “–Amam runamasikipa contranpiqa llullakunata rimankichu.”
10. “–Amam munapayankichu runamasikipa... imantapas.”

**DIOSPA KAMACHIKUYNINTA KASUKUPTINCHIKQA,
PAYMI MAÑAKUSQANCHIKTA QOWASUN**

“Payñataqmi tukuy ima mañakusqanchikta qowasunchik,
payqa qowasunchik kamachikuyninkunata kasukuspa
paypa munasqanta rurasqanchikraykum.” –1 Juan 3:22

LLIW MANTA LLALLIQ ISKAY KAMACHIKUY KUNA

Diosta kuyanamanta

1. “Chaymi Jesusñataq nirqa: –Señor Diosnikitam kuyanki tukuy sonqoykiwan, tukuy vidaykiwan hinspa tukuy yuyaynikiwan... Kaymi punta kaq hatun kamachikuy –nispa.”

–Mateo 22:37, 38

Runamasinchik kuyanamanta

2. “Qatiqninñataqmi nin: –Kuyankim runamasikita kikikita hina –nispa.”

–Mateo 22:39

Chunkantin kamachikuypa ukunpim tarikun kay iskay kamachikuypas.



Kuyakuymanta rimaq texto

(1 Corintios 13:1-8, 13)

¹Sichu ñoqa rimayman runakunapa chaynataq angelkunapa idiomanpipas ichaqa mana kuyakuuniyoq kaspayqa campanapa otaq platillopa waqaynin hinallam kani. ²Sichu willakuymanta Diospa revelawasqankunata, reqsiymantaq kunankama manaraq pipapas yachasqankunatawan tukuy rikchaq yachaykunatapas, kapuwanmantaq iñiyny orqokunata maymi kasqanmanta suchuchinaypaq, ichaqa mana kuyakuuniyoq kaspayqa manam imapaqpas valenichu. ³Sichu aypuruyman tukuy kapuqniykunata, cuerpoytapas entregaymantaq kañasqa kananpaq, ichaqa mana kuyakuuniyoq kaptiyqa chaykuna rurasqaypas manam valenchu. ⁴Pipas kuyakuuniyoqqa pacienciakuqmi, imapas qokuykuqmi, manam envidiosochu, manam alto tukuqchu, manam alabakuqchu, ⁵manam

38 penqaypaq ruraqchu, manam kikillanpaq munaqchu,
manam piñakuqchu, nitaqmi cheqnikuqchu.⁶ Manataqmi
kusikunchu hukpa huchankunamantapas aswanqa cheqap
kaqmantam kusikun.⁷ Tukuytam aguantan, tukuytam creen,
tukuytam confianzawan suyan, tukuytam pacienciakun.⁸ Kuya-
kuyqa wiñaypaqmi, hamunqam tiempo Diospa revelasqan-
kunata manaña willakunapaq, manañam rimanqakuchu mana
yachasqanku idiomakunatapas, yachaypas manañataqmi
kanqachu.

¹³Kunanqa takyachkan iñiyllam, confianzawan suyayllam
hinaspa kuyakullum. Kay kimsanmanta aswan allinqa
kuyakullum.

DIOSQA KUYAKUYMI

Diosqariki kuyakuqlañam chaymi kuyakuypi takyaqqa Dios-
pi takyachkan, Diospas paypitaqmi takyachkan. –1 Juan 4:16b

JESUCRISTOQA MUNAN HUKKUNAMAN PAYMANTA RIMAPAYANAYKITAM

39



(Wasikipipas, llankasqayki-pipas otaq maypi kaspaykipas Jesucristomantam willakunayki.)

Jesusmi nirqa: “**–Wasikiman rispayki aylluukikunaman willamuy llakipayuspayki Señor Diospa imam rurasqanmanta –nispa.**” –Marcos 5:19b

40 IMAYNATAQ YACHACHWAN PIM CHEQAPTA-PUNI DIOSPA CHURINÑA KASQANTA

“Kuyanakuptikichikqa llapallan runakunam yachanqa discipuloykuna kasqaykichikta.”

—Juan 13:35

“Chuya Espirituñataqmi kawsachiwanchik: kuyakuqta kusisqallata, hawkallata, pacienciakuqta, sumaq sonqollata, kuyapayakuqta, cumpliqta, llampu sonqollata hinspa imapipas controlakuqta.”

—Galatas 5:22, 23a

TAYTA DIOSPA CHEQAP CHURINQA RUNAMASINTAQPA PAMPACHANMI

“—Huchallikusuqnikichik runakunata pampachaptikichikqa qamkunatapas hanaq pachapi kaq Taytaykichikmi pampachasunkichik.”

—Mateo 6:14


“Aychapa munasqallanpi kawsaqkunaqa huchapakuyllapim purinku, millakuypaq kaqkunallatam ruranku, manaña penqakuspam qanrakunku, taytacha-mamachakunallatam adoranku, paykunaqa layqanakuyllapi, cheqninakuyllapi, liryanakuyllapi, envidianakuyllapi hinaspa piñanakuyllapim purikunku, kikillankupaqmi imatapas munanku, rakinakuyllatam hatarichinku, sapa-sapaqmi huñunakunku,... toma-kuyllapi fies takunallapim purikunku... Chayna mana allin ruraqkunaqa manam yaykunqakuchu Diospa munaychakusqanman.”

—Galatas 5:19-21

AMAYA HARKAKUYCHU JESUS SONQOYKITA CHUYANCHAY-KUSPA CHUYA ESPIRITUNWAN HUNTAYKUSUNAYKITA

“Chaynamá karqankichik qamkunapas, ichaqa Diosmi mayllaykusurqankichik, kikillanpaqñam sapaqchasurqankichik, Señor Jesuspa sutinpim hinaspa Diosninchikpa Espiritunpa yanapakuyninwanmi....”

—1 Corintios 6:11



(leey Lucas 16:19-26.)

Ama iskayrayaspa iñiy Jesucristopi, paymi sutikita qellqanqa kawsaqkunapa libronpi.

**“Chay ochamanmi
wischusqa karqaku wi-
ñay kawsay libropi sutin-
ku mana qellqasqakuna-
pas.”** —Apocalipsis 20:15

“Diosmi qowarqanchik wiñay kawsayta, chayqa tarikun Churin Jesucristollapim.” –1 Juan 5:11b

“Huchallikuypa pagonqa wañuymi. Diospa qowasqanchikmi ichaqa Señorninchik Cristo Jesuswan kuska wiñaypaq kawsakuy.” –Romanos 6:23

“Churipi iñiqqa wiñay kawsayniyoqmi, paypi mana iñiqmi ichaqa mana wiñay kawsayniyoqchu, mana iñiqpaqqa Diospa sinchi piñakuyninmi kachkan.” –Juan 3:36

“Jesusñataqmi nirqa: –Ñoqam kani ñan, cheqap kaqpas chaynataq kawsay qokuqpas. Taytaymanqa manam pipas chayanmanchu mana ñoqawanqa.” –Juan 14:6



Apostol Juanmi willawanchik Apocalipsis libropi mosoq cielotawan mosoq allpa rikusqanmanta. “Diosmi pichanqa paykunapa weqenta, manañam kanqachu wañuypas, lutokuypas, waqaypas nitaq nanaypas. Ñawpaq kaqkunaqa pasarunñam . . . Ñoqam mosoqyachini tukuy imata . . .”

—Apocalipsis 21:4, 5b

Chaynallataqmi willawanchik mosoq chuya Jerusalen llaqtata rikusqanmanta, Diospa qayllanmanta lloqsimuspan kay pachaman uraykamuqta. “**Muyuriqniñ perqakunaqa kasqa jaspe alhaja rumiwan perqasqam, llaqtañataqmi kasqa qori puromanta cristalman rikchakuq. Chay llaqta pa perqanpa cimientonkunaqa kasqa tukuy rikchaq suma-sumaq alhaja rumikunawan adornasqam . . .**” —Apocalipsis 21:18, 19a

JESUCRISTOQA HANAQ PACHATAM RIN PAYPI IÑIQKUNAPAQ WASI RURAQ

45

“... amayá hukmanyaychikchu. Diospiyá confiakuychik, confiakuychiktaqyá ñoqapipas. Taytaypa kasqanpiqa achkam kachkan lugarkuna yachakunapaq, mana chayna kaptinqa manam rimariyllapas-rimariymanchu. Chaynaqa risaqmi qamkunapaq lugar allichamuq. Allicharamuspaymi kutimusaq qamkuna pusanaypaq chaynapi maymi kasqaypi qamkunapas kanaykichikpaq.”

–Juan 14:1b-3

KAY ALLIN WILLAKUYTAQA HUKKUNAMANPAS WILLAYÁ

Jesusmi nirqa: “–Tukuy hinastinman rispayá llapa runakunaman kay allin noticiata willakamuychik” –nispa.

–Marcos 16:15b

Alma ganaq runaqa anchapas yachayniyoqmi.

(Proverbios 11:30b)

CHURI-WAWANCHIKPAQ DIOSPA QOWASQANCHIK PROMESAKUNA

“Manapunim dejasqaykichu nitaqmi saquesqaykichu.”

–Hebreos 13:5b

“Qamraykum angelninkunata kamachinqa mayta riptikipas waqaychasunaykipaq.”

–Salmos 91:11

“Taytayqa llapanmantapas atiyniyoqmi, chaymi mana pipas atinmanchu Taytaypa makinmanta qechuytaqa.”

–Juan 10:29b

Yachahimuychikyá qamkunaman tukuy ima kamachisqayta kasukunankupaq. Sapa punchawmi ñoqaqa qamkunawan ka-saq kay pacha puchukanankama.

–Mateo 28:20

“Amanyá manchakuychu ñakarinaykimantaqa.... Ichqaqa qaqa hina sayaptikiqa wiñay kawsay premiotam qosqayki.”

–Apocalipsis 2:10

“Mañakuwaptikiqa contestasqaykim. Yachachisqaykim mana reqsisqayki hatun kaqkunatawan sasa entiendena kaqkunata.”

–Jeremias 33:3

Lliwmi kawsarimunqaku wañuqkunamanta.

“Huk punchawmi Diospa Churinpa qayasqanta uyarispanku llapallan wañuqkuna kawsarimunqaku. Allin ruraqkunaqa wiñay kawsanankupaqmi... mana allin ruraqkunañaataqmi kawsarimunqaku castigasqa kanankupaq.”

—Juan 5:28b, 29

Cristopi iñispa wañuqkunam kawsarimunqaku puntata.



“Hinaptinmi puntata kawsarimunqa Cristo-pi iñiq wañuqkuna. Chaymantam kay pachapiroq kawsaqkuna paykunawan kuska altoman hoqarisqa kasunchik puyukunapa ukunman Señorwan tupananchikpaq, paywanmi wiñay-paq kasunchik.”

—1 Tesalonicenses 4:16b, 17

“Diosta mañakustinyá listolla suyawaychik haykapi kutimunaytapas mana yachasqay-kichikrayku.”

—Marcos 13:33b

¿IMAYNATAQ JESUS HAMUNQA?



“Qawaychik, puyukunawanmi hamuchkan payqa. Llapallan runakunam rikunqa.”

—Apocalipsis 1:7a

Cuidakuychik Cristo tukuq runakunamanta hinaspa
Diosmanta willakuq tukuqkunamanta

“—Sichum pipas nisunkichik: ‘Qawaychik, kay-pim kachkan Cristo’ otaq ‘Wakpim kachkan Cristo’ nispa hinaptinqa, amam paykunata creenkichikchu.... ‘Purunpim kachkasqa’ ni-suptikichikqa amam lloqsinkichikchu qawaq otaq.”

—Mateo 24:23, 26a

JESUSQA QONQAYLLANTAM HAMUNQA PUYUKUNAPI

“Hinaptinmi Diosmanta Hamuq Runapa señalniy puyupi riku-riy kamunqa chaymi kay pachapi llapa castakuna qaparkachaspa waqanqaku hinas pam rikuwanqaku puyupi tukuy atiyniywan hinaspa kanchariyniywan hamuchkaqta.”

—Mateo 24:30

MICHIQPA SALMON

(Salmo 23)

¹Dios Taytalláy, qamllam kanki ñoqallaypa michiqnillayqa, manam imapas piswanqañachu. **²Sumaqllaña ikllirimuq pastokunapim ñoqallaytaqa samaykachiwanki.** Ñoqataqa pusawanki yakukunapa sumaq hawkalla samananmanraqmi. **³Qamqariki pasaypaqña kallachkaptiyas ñoqallaytaqa kallpanchaykuwankim.** Prometellawasqaykiman hinaraqmiki allin ñanninta pusakullawanki.

⁴Tutay-tutay wayqopiña purillaspaypas manañamriki manchaku-niñachu. **Ñoqawanqa kikikiraq kasqaykiraykum manapuniña mancha-kuniñachu.** **Qamqariki ñoqallaytam kallpanchawanki varaykiwanpas tawnallaykiwanpas.** **⁵Enemigollaykunapa ñawpaqninpipas mikuykunatam churaykapuwanki.** Miski-miskillaña asnaq perfumewanmi umallaymanpas talliykullawanki. Copallaytam qamqariki llimparichkaqta sumaqlataña huntaykachillanki.

⁶Ñoqallaypaq allinkuna rurasqaykiqa sapa punchawmi compañallawachkan. **Ñoqallaypaq kuyapayakuynillaykiqa sapa punchawmi compañallawachkan.** Tayta Diosqa ñoqallaytam wiña-wiñaypaq wasillan-piña kawsachikuwanqa.

El texto bíblico utilizado es de la Biblia en Quechua Ayacuchano QA052P publicada por la Sociedad Bíblica Peruana, A.C. de Avenida Petit Thouars 991 – Lima 100, Perú.

Published in numerous languages by World Missionary Press, Inc. as God supplies funds in answer to prayer. If you would like more copies for prayerful distribution, specify which language(s) you need and how many booklets.

**Distribuidora Vida, s.a.c. Peru
Calle Chinchon 875, Tiende 101
San Isidro, Lima 27
PERU**



Distribución gratuito

www.wmpress.org

5-18

Read booklets online or by App
www.wmp-readonline.org

2288 Ayacucho Quechua WTG

